

auch nicht alle Fieber durch purgirende vnd diaphoretische Arzneyen sich außtreiben lassen: Dann in den Fiebern das τὸ θεῖον Hippocratis offft verborgen ligt/ welches ein jeder Practicant fleißig in acht nehmen soll / wie Hippocrates in seinem ersten Buch prognosticorum solches gedencet mit diesen Worten/ oportet medicum prouidentiam quoque huius addiscere, an quid diuini in morbis insit, hac enim ratione merito sibi admirationem & boni Medici existimationem conciliabit, daß ist/ es muß ein Arzt fleißig wissen vñ in acht nehmen / ob auch im Menschen etwas vber die gemeyne vier Elementen verborgen liege / dz zu gewissen zeiten ein frantzheit erregen kan / dann hiedurch ein Medicus vnd Arzt im ein Ansehen vnd guten Nahmen machen wirdt.

Wann dann diesem also ist / wies dan in der warheit ist / folgt / daß auch in den Fiebern das τὸ θεῖον regiere / welches alle irrdische vnd gemeyne Elementen vbertrifft / vnd ist diß θεῖον nichts anders / als ein sideralische oder Astralische influens vnd